

## ՏՐՏՈՒՆՁ

Օրերս անպըտուղ, տըխուր, ձանձրալի,  
Ու գընում եմ ես ունայն տըրտունջով  
Իմ սիրած մարդկանց, իմ լավ հույսերի  
Գերեզմանների շարքերի միջով:

5 Թաղել եմ նըրանց: Տխուր է ճամփան:  
Եվ իմ հայրենի աշխարհում օտար,  
Օտար ու մենակ անցվորի նըման,  
Որ շունի ընկեր, ոչ տեղ ու դադար:

Օտար են շուրջըդ ու չեն հասկանում  
10 Ոմանք քո վիշտը, ոմանք քո լեզուն,  
Անտարբեր գալիք երջանիկ օրին,  
Զըգիտեն նըրա կարոտը անքուն...

Զընչին մարդուկներ, լըրբորեն հանգիստ,  
Անսիրտ, փոքրոգի, գըծծի ու կոպիտ,  
15 Մեռնում են, մարում նըրանց հայացքից  
Եվ հոգու ձըգտում, և՛ սըրտի ժըպիտ:

Էլ ո՞ւմ առաջին սիրտըդ բաց անես,  
Ո՞ւմ համար երգես սըրտալի երգեր,  
Ո՞ր չըքին սիրես, կյանքըդ նվիրես,  
20 Էլ ի՞նչպես ապրես անսեր, անընկեր...

Եվ օրերս այսպես տըխուր, ձանձրալի,  
Ու գընում եմ ես ունայն տըրտունջով  
Իմ սիրած մարդկանց, իմ լավ հույսերի  
Գերեզմանների շարքերի միջով: